


歷代 日記叢鈔



學苑出版社

歷代日記叢鈔

第六五冊



武揖齋先生

滋霞閣日記

庚申仲春成都志古堂校刊

激霞閣日記序

成都武揖齋孝廉少多藝能既讀程朱氏書遂潛心於道
言動必循禮法嘗受知南皮張文襄公文襄之學以博爲
量君乃言曰文學始游夏觀論語記二子所以論學論人
者則知所重則躬行不在華藻在本原不在末務矣而世
顧易之何哉其不苟同如此君生於蜀蜀之賢士宗之及
游京師鉅人長德賓禮恐後其歿也年三十餘耳蜀人久
而思之甚乃上言其學行於 朝祀鄉賢祠曩讀漢書黃
憲徐穉傳竊歎諸人皆沈淪草澤不求聞譽如叔度者年
未及艾又家世微非有門業才望可聳人觀聽而一時賢

豪靡不心醉至此諸顏子謂一見可遠鄙吝何使人慕仰
至此豈古人好仁之心獨切歟易曰水流湓火就燥方以
類聚物以羣分觀於君乃益信始君讀書有得輒手錄之
凡數十冊宣統辛亥哲嗣宗緒與永樸相見出示澂霞閣
日記蓋蜀人採其中粹語分類而輯之者永樸讀之言約
味長闡然有爲己意然後知君誠得於程朱氏之書其名
之所以曰章者非無自也宗緒以序請乃書而歸之桐城
姚永樸謹撰

民國十年辛酉歲季春月下浣新刊

澂霞閣日記跋

光緒八年秋王雪澂同年自黔道渝以揖齋同年日記二十六冊屬爲甄采如有偶錄先儒成說者校勿羣入粗編成冊三十三年來京師喬孟葵同年復以雪澂擬分義類者屬爲參酌排纂因附注甲子於各條末以爲學與年進之證釐爲二卷嗟乎以揖齋之勛學篤行使得永其年所詣必不廛此非卽此立言其孳孳進德足紹先輩之典型而資後學之倣效者正自卓然可傳也宣統三年成都周君達三先取付雕爰述哀輯之始末以諗同志巴縣潘清蔭謹識

激電閣日記

分目

論學

省己

盡倫

讀書

經世

立教

取人

觀物

譚藝

紀游

漱霞閣日記上卷

論學

天地一陰陽也凡開合始終前後上下屈伸消長莫非此
理所謂不同之極致也然皆有其中焉物盛於夏人盛於
壯過則漸衰不及則未至此是恰好地位 乙丑

人勞則神疲鬱則氣滯伴負優游以養清明之體則天機
暢而志氣日新 乙丑

視人多隔闕祇是自己私意充塞故不能廓然相通 乙丑

親仁如行霧露中雖不溼衣時時有潤 丙寅

不譽人不受非禮之干不妄談文 丙寅

惱怒忿疾暴戾憂鬱憎惡躁急伎害最足害此心之中和死機也喜悅開豁瀟灑爽快好事鼓舞最足長此心之良

善生機也

丙寅

嘗見人神旺氣充雖頑劣不諳事情然終必有得用時若夫神頹氣惰奄奄不振則終身無可用之處大計八法罷輒所以革職也曾滌生參政訓誡淺語有云將久驕而不敗者容或有之久惰則立見敗亡矣

訓營官戒煙賭以儆惰一條

正是

此意

丁卯

雪橋師爲論知人己心一念之是非尙不自覺何以知人孔子曰抑亦先覺知幾其神皆當辨之于此

丁卯

蘭生來談士以恭儉易直豁達爲務疏狂傲慢適增厭惡
謙謂凡事循理順情庸言之謹絕口不談才藝不彰人短
不炫己長庶幾君子

戊辰

士先芸溪來談心靜生明須使如澄潭映月空洞活潑似
實非虛然後內外通明與天同體但雖涵養始得養心莫
善于寡欲寡欲之方曰靜存動察必思我現在爲何許人
作現在何許事此之謂去妄

戊辰

享福莫太早觀于果木皆先苦歷酸澀而後始有一甘則
知人必苦心志勞筋骨歷諸逆境而後有成甚未可樂安
逸畏拂逆也

戊辰

筋骨強而氣血和智識開則精神聚

戊辰

筋骨苦而心志專故有用矣

戊辰

讀書人器局須令宏志力須要毅

西銘實體宏
字若何氣象

戊辰

最忌自高自狹目空一切不可一世集思廣益甯濫勿遺

戊辰

威儀抑抑

端凝瀟灑
舉止端詳

德音秩秩

戒方言戒鄙語戒
過分語敷奏明暢

戊辰

學以學爲人也五經子史皆以窮究義理使性量無所不

充彼曉曉以空疏誚宋儒者亦昧乎爲學之本旨已

實踐
之謂

實窮理之謂博規矩前聖之謂根柢言
不顧行之謂空疎語言章句之謂淺陋

戊辰

不悉原委者不可以論事不知淺深者不可以涉水土唯

讀書而已議論非所急也

戊辰

醉後病中忽處小處臨財臨難匆遽急迫閒談論人評物

喜時怒時一得失一窮通皆本心發處可以觀人

戊辰

多讀書手不釋卷多閱歷隨事深思

己巳

各有因緣莫羨人一語可以達命可以釋忌

己巳

舊中堂挾葢世之氣拈毫啟口不作第二着想識高度偉

詳審精密每發一議改一文必審固遲回以出出則的確

精當簡而該

己巳

古人事無分大小時無論緩急作一事必盡一時之心不能自盡必不爲也如君子有四時朝以聽政晝以訪問夕

以修令夜以安身如男子方冠博學不教內而不出四十始仕方物出謀發慮七十致仕之類至于大夫適異國三月不從政皆古人觀時審勢度法量力斟酌盡善事事不放過故能處小事如大事卽處大事亦如小事而臨事以敬不貽後悔噫人欲保常新之氣要在節宣之而已己巳

事到艱苦處功到疑難處此所謂筋節急須猛奮求濟進步全在此平素都不可恃己巳

不與爲異豈能妄同所謂事相反而相成也若以水濟水以火濟火損矣上之爲黨同伐異爲豪俠之意氣下則爲附和嬖倖爲里巷之徵逐己巳

亭林慨然有恢復之志其所爲詩如杖策追光武豈聞蕭
王來北發漁陽豪及贈朱彝尊云與爾皆椎結於今且釣
緡俱情見乎辭至其生平周覽形勢緬懷古迹陵廟屢謁
之詩交遊贈述之詞多語重心長託辭見志蓋由忠義激
發奮心時事遂乃博千函行萬里綜兵刑禮樂之精粗究
天下郡國之利病周知阨塞曉暢方輿而經史因以貫穿
學術于焉闡達矣可知亭林一生學問皆由一腔忠孝之
心逼迫做出來精誠所積遂成絕詣與舜之治禹之水周
文之易元公之禮孔子之刪述武侯之勛業同一出路彼
矜言著述者獨何爲也哉吁天降大任洵非偶然孤臣孽